

## **Takimi i Pestë i Grupit të Veçantë për Reformë të Administratës Publike**

**2 qershor 2016, Prishtinë**

### **Konkluzionet**

#### **Zbatimi dhe monitorimi i pakos strategjike të RAP**

- Qeveria e Kosovës do të ndërmarrë aktivitete urgjente për të siguruar një sistem koherent të monitorimit dhe raportimit për të gjitha strategjitë që janë pjesë e kornizës strategjike të RAP. Në bazë të kornizës së propozuar nga Këshilli i Ministrave në dhjetor të vitit 2015, sistemi i monitorimit dhe vlerësimit do të zhvillohet për të dy strategjitë nën menaxhimin e Zyrës së Kryeministrit deri në shtator të vitit 2016.
- Qeveria e Kosovës do të sigurojë qëndrueshmërinë financiare të RAP dhe do të marrë parasysh pakon strategjike të RAP në rishikimin e buxhetit të vitit 2016. Komisioni do të informohet në shtator të vitit 2016 se si korniza strategjike e RAP është reflektuar në buxhetin e rishikuar të vitit 2016 dhe do të vazhdojë të informohet në mënyrë të vazhdueshme se si RAP do të adresohet në projekt-buxhetin e vitit 2017 dhe në Kornizën Afat-Mesme të Shpenzimeve.
- Një raport gjithëpërfshirës monitorimi për vitin 2016 mbi zbatimin e kornizës strategjike të RAP, do të finalizohet para fundit të marsit të vitit 2017. Qeveria e Kosovës do të sigurohet se të gjitha institucionet e përfshira në zbatim të RAP kanë resurset e nevojshme dhe do të ofrojnë të dhënat e nevojshme për monitorim në kohë.

#### **Zhvillimi dhe koordinimi i politikave**

- Qeveria e Kosovës do të rishikojë planet e veprimit të Strategjisë për Rregullim më të Mirë dhe Strategjisë për Përmirësim të Planifikimit të Politikave dhe Koordinimit deri në shtator të vitit 2016. SIGMA do të ofrojë përkrahje për përmirësimin e kornizës së monitorimit, në veçanti për të caktuar indikatorët e performancës dhe finalizimin e pasaportës së indikatorëve për të dy strategjitë.

## **Shërbimi civil dhe menaxhimi i burimeve njerëzore**

- Komisioni i rekomandon Kosovës që të sigurohet se konkluzionet e GVRAP të vitit 2015 lidhur me tri projektligjet (Ligji për Shërbimin Civil, Ligji për Pagat dhe Ligji për Organizimin e Administratës Publike) do të zbatohen dhe se këto tri ligje do të përgatiten në mënyrë të koordinuar dhe do të dërgohen në Parlament po në të njëjtën kohë si pako.
- Para se të përgatiten këto tri ligje, duke u bazuar në punën që është bërë deri më tani dhe më së largu deri në fund të vitit 2016, autoritetet e Kosovës do të përgatisin koncept-dokumentin (koncept-dokumentet) që do të ofrojë një analizë të situatës dhe të propozojë solucione se si të organizohet administrata e shtetit dhe shërbimi civil/publik, përfshirë pagat. Sigma do të ofrojë mbështetje për përgatitje të koncept-dokumentit.
- Autoritetet e Kosovës do të mbledhin dhe paraqesin të dhënat për Komisionin Evropian, rregullisht para secilit takim në GVRAP të dhëna të përditësuara lidhur me numrin e kandidatëve të brendshëm dhe të jashtëm dhe numrin e kandidatëve të përzgjedhur; numri i kontratave me kohë të caktuar në shërbim civil, numri i kontratave me kohë të caktuar që janë transformuar në pozita të përhershme; përfaqësimi i komuniteteve jo-shumicë në pozita udhëheqëse dhe jo-udhëheqëse; numri i largimit nga puna dhe arsyetimi; numri i ankesave ndaj vendimeve për largim nga puna dhe vendimet që kanë rezultuar .

## **Ofrimi i shërbimeve**

- Pas aprovimit të Ligjit për Procedurat e Përgjithshme Administrative, Qeveria do të sigurojë trajnimin e nëpunësve civilë si në nivelin lokal ashtu edhe qendror dhe do të sigurohet se procedurat e veçanta administrative në pjesën tjetër të legjislacionit janë në harmoni me ligjin e ri në mënyrë që të shmangët fragmentimi i kornizës ligjore. Komisioni Evropian do të sigurojë përkrahje për zbatimin e kornizës së re ligjore përmes IPA 2014;

## **Llogaridhënia**

- Struktura administrative e Kosovës është e fragmentuar në Kosovë dhe nuk siguron linja të qarta të llogaridhënies. Kjo duhet të adresohet urgjentisht. Autoritetet e Kosovës do të plotësojnë

pyetësorin e Komisionit Evropian për rishikimin kuantitativ të institucioneve të pavarura dhe të agjencive rregullatore deri në mes të korrikut të vitit 2016. Kjo duhet të mbulojë të gjitha agjencitë e pavarura dhe organet tjera të administratës publike, kompetencat e tyre dhe llogaridhënien, sfondin ligjor, statusin e punonjësve dhe strukturën organizative. Kjo tabelë duhet të përmirësohet rregullisht;

- Qeveria e Kosovës duhet të implementojë rekomandimet e Komisionit për raportin e Kosovës për vitin 2015 dhe të takimit të katërt të GVRAP dhe të realizojë një analizë kualitative dhe kuantitative dhe të shoqërohet nga rekomandimet se si të përmirësohet llogaridhënia dhe eficientia në administratën publike të mirëorganizuar. Sigma do të ofrojë mbështetje në përgatitjen e vlerësimit;
- Rekomandimet e këtij vlerësimi do të inkorporohen në hartimin e koncept-dokumenteve për tri ligjet: Ligji për Shërbim Civil, Ligji për Pagat dhe Ligji për Organizim të Administratës Publike;
- Ligji i ri për Konfliktet Administrative do të paraprihet përmes një koncept-dokumenti të hartuar përmes konsultimeve gjithëpërfshirëse në linjë me kërkesat ligjore dhe procedurale;

### **Përkrahje për Buxhetin Sektorial**

- Komisioni dhe Qeveria janë pajtuar të zhvillojnë një program për Përkrahje të Buxhetit Sektorial për RAP për të përkrahur zbatimin e kornizës strategjike të RAP. Qeveria është zotuar të shqyrtojë pakon strategjike (shih te hartimi i politikave). Komisioni do të monitorojë vazhdimisht progresin e zbatimit të të gjitha strategjive të përfshira në programin për Përkrahje të Buxhetit Sektorial;
- Qeveria e Kosovës është zotuar të koordinojë nga afër përpjekjet në mes të MAP, ZKM, MF dhe MIE për të finalizuar Kontratën për Reformë të Sektorit në mënyrë që të merret një vendim pozitiv për financim në kuadër të IPA 2016;
- Bazuar në punën intensive që është bërë deri më tani, të dy palët do të sigurohen që do të ketë progres në kualitetin e përgjithshëm të Kontratës për Reformë të Sektorit dhe marrëveshja e arritur për indikatorë të prezantohet në Komisionin për IPA në nëntor të vitit 2016.

## **Dialogu i politikave për menaxhim të financave publike**

- Qeveria e Kosovës do të aprovojë Strategjinë për MFP sipas kornizës së paraparë kohore.
- Dialogu i politikave të MFP është platforma e rregullt për koordinim të MFP.